

NOVUM
PROPRIUM MISSARUM
ARCHIDIOECESIS
UTINENSIS



Editio altera

UTINI
TYPIS "ARTI GRAFICHE FRIULANE .."
1963

SACRA CONGREGATIO RITUUM UTINEN.

N. Prot. U 11/961.

Præscriptis S. Rituum Congregationis Instructionis die 14 Februarii anno 1961 evulgatæ super calendariis particularibus et Officiorum ac Missarum propriis ad normam et mentem Codicis rubricarum revisendis obtemperaturus, Exc.mus ac Rev.mus D.nus JOSEPHUS ZAFFONATO, Archiep. Utinen., schema novi Proprii Missarum ad usum creditæ sibi archidiœcesis apparari sedulo curavit, illudque Sanctitati Suæ pro opportuna approbatione humillime exhibuit.

Sacra porro RITUUM Congregatio, vigore facultatum sibi a SS.mo D.N. IOANNE PAPA XXIII tributarum, propositum schema Missarum Proprii diligenter revisit et probavit, illudque, prout in annexo prostat exemplari, eadem in archidiœcesi adhiberi concessit : servatis de cetero rubricis, additoque onere ut, postquam typis impressum fuerit, duplex eiusdem Proprii authenticum exemplar ad Sacram eandem Congregationem transmittatur.

Contrariis non obstantibus quibuslibet.

Die 13 Novembris 1962.

† Arc. M. Card. LARRAONA, S.C.R. *Præf.*

(L. S.)

I. Sormanti, *Subst.*

NOVUM
PROPRIUM MISSARUM
ARCHIDIŒCESIS UTINENSIS

Die 11 ianuarii

S. PAULINI

Patriarchæ Aquil. Confessoris

III classis

Missa Statuit, de Communi
Conf. Pontif.

Oratio

C

Da, quæsumus, omnipotens
Deus: ut beati Paulini
Confessoris tui atque Pon-
tificis veneranda solemnitas,
et devotionem nobis augeat
et salutem. Per Dominum.

Et fit commemoratio S. Hy-
gini Pp. et M.:

Oratio

Gregem tuum, Pastor æ-
terne, placatus inten-
de: et per beatum Hygi-
num Martyrem tuum atque
Summum Pontificem perpe-
tua protectione custodi,
quem totius Ecclesiæ præ-
stitisti esse pastorem. Per
Dominum.

Secreta

C

Sancti tui, quæsumus, Do-
mine, nos ubique lætifi-
cent: ut, dum eorum merita
recolimus, patrocinia sentia-
mus. Per Dominum.

Pro S. Hygino :

Secreta

Oblatis muneribus, quæ-
sumus, Domine, Eccle-
siam tuam benignus illumi-
na: ut et gregis tui profi-
ciat ubique successus, et
grati fiant nomini tuo, te
gubernante, pastores. Per
Dominum.

Postcommunio

C

Præsta, quæsumus, omnipo-
tent Deus: ut, de percep-
tis muneribus gratias exhibe-
ntes, intercedente beato
Paulino Confessore tuo atque
Pontifice, beneficia potiora su-
mamus. Per Dominum.

Pro S. Hygino :

Postcommunio

Refectione sancta enutritam gubernat, quæsumus, Domine, tuam placatus Ecclesiam : ut, potenti moderatione directa, et incrementa libertatis accipiat et in religionis integritate persistat. Per Dominum.

Die 15 ianuarii

B. ODORICI

A PORTUNAONE

Confessoris

III classis

Antiphona ad Introitum.

Gen. 12. 1.

Egredere de terra tua, et de domo patris tui, et veni in terram, quam monstrabo tibi.
(T. P. Alleluia, alleluia.)

Psal. 116. Laudate Dominum, omnes gentes : laudate eum, omnes populi.

V. Gloria Patri, etc.

Oratio

Deus, qui ad multos Orientis populos in Ecclesiæ sinum perducendos, beatum Odoricum invicta animi for-

titudine et constantia roborasti : concede propitius ; ut infidelium animæ, diabolica fraude deceptæ, ipsius meritis gloriiosis a suis tenebris eruantur. Per Dominum.

Et fit commemoratio S. Pauli primi Eremitæ Conf. :

Oratio

Deus, qui nos beati Pauli Confessoris tui annua solemnitate lætificas : concede propitius, ut, cuius natalicia colimus, etiam actiones imitemur. (Per Dominum.)

Deinde commemoratio S. Mauri Abb. :

Oratio

Intercessio nos, quæsumus, Domine, beati Mauri Abbatis commendet : ut, quod nostris meritis non valemus, eius patrocinio assequamur. Per Dominum.

Lectio Epistolæ beati Pauli Apostoli ad Thessalonicenses.

1. Thess. 2, 2-9.

Fratres : Fiduciam habuimus in Deo nostro, loqui ad vos Evangelium Dei in

multa sollicitudine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium: ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulatio[n]is, sicut scitis: neque in occasione avaritiæ: Deus testis est: nec quærentes ab hominibus gloriam, neque a vobis, neque ab aliis: cum possemus vobis oneri esse ut Christi Apostoli: sed facti sumus parvuli in medio vestrum, tamquam si nutrix foveat filios suos. Ita desiderantes vos, cupide volebamus tradere vobis non solum Evangelium Dei, sed etiam animas nostras; quoniam carissimi nobis facti estis. Memores enim estis, fratres, laboris nostri et fatigationis: nocte ac die operantes, ne quem vestrum gravaremus, prædicavimus in vobis Evangelium Dei.

Graduale.

Luc. 4. 18. Evangelizare pauperibus misit me, sanare contritos corde.

¶. Psal. 72. 28. Mihi au-

tem adhærere Deo bonum est: ponere in Domino Deo spem meam.

Alleluia, alleluia.

¶. Isai. 52. 7. Quam pulchri super montes pedes annuntiantis, et prædicantis pacem: annuntiantis bonum, prædicantis salutem, dicentis Sion: Regnabit Deus tuus! Alleluia.

In Missis post Septuagesimam, omissis Alleluia et versu sequenti, dicitur:

Tractus. Psal. 95. 3. 5.

Annuntiate inter gentes gloriam Domini, in omnibus populis mirabilia eius.

¶. Quoniam magnus Dominus, et laudabilis nimis: terribilis est super omnes deos.

¶. Quoniam omnes dii gentium dæmonia: Dominus autem cælos fecit.

Tempore paschali, omissis graduall et tractu, dicitur:

Alleluia, alleluia.

¶. Isai. 52. 7. Quam pulchri super montes pedes annuntiantis, et prædicantis pacem: annuntiantis bonum, prædicantis salutem. Alleluia.

¶. Eccli. 46. 6. Invocavit

Altissimum potentem in oppugnando inimicos undique : et audivit illum magnus et sanctus Deus. Alleluia.

† Sequentia sancti Evangelii secundum Matthæum.

Matt. 9. 35-38.

In illo tempore : Circuibat Iesus omnes civitates, et castella, docens in synagogis eorum, et prædicans Evangelium regni, et curans omnem languorem, et omnem infirmitatem. Videns autem turbas, misertus est eis; quia erant vexati, et iacentes sicut oves non habentes pastorem. Tunc dicit discipulis suis : Messis quidem multa, operarii autem pauci. Rogate ergo dominum messis, ut mittat operarios in messem suam.

Antiphona ad Offertorium.

Psal. 66. 6-7.

Confiteantur tibi populi omnes, et metuant eum omnes fines terræ. (T. P. Alleluia.)

Secreta

Pro christianæ fidei triumpho, oblationem mundam salutaris hostiæ, tibi offerimus, Domine : et præsta ; ut

intercedente beato Odorico Confessore tuo, ubique gentium iugiter offeratur. Per Dominum.

Pro S. Paulo :

Secreta

Laudis tibi, Domine, hostias immolamus in tuorum commemoratione Sanctorum : quibus nos et præsentibus exui malis confidimus, et futuris. (Per Dominum.)

Pro S. Mauro :

Secreta

Sacris altaribus, Domine, hostias superpositas sanctus Maurus Abbas, quæsumus, in salutem nobis provenire deposcat. Per Dominum.

Antiphona ad Communionem.

1. Cor. 1. 21.

Placuit Deo per stultitiam prædicationis salvos facere credentes. (T. P. Alleluia.)

Postcommunio

Vitali sacramento refecti, clementiam tuam, Domine, humiliter deprecamur : ut beati Odorici meritis et inter-

cessione, ad lucem, quæ Christus est, infideles universi perducantur. Per eundem Dominum.

Pro S. Paulo :

Postcommunio

Refecti cibo potuque cœlesti, Deus noster, te supplices exoramus : ut, in cuius hæc commemoratione percepimus, eius muniamur et precibus. (Per Dominum.)

Pro S. Mauro :

Postcommunio

Protegat nos, Domine, cum tui perceptione sacramenti beatus Maurus Abbas, pro nobis intercedendo : ut et conversationis eius experiamur insignia, et intercessionis percipiamus suffragia. Per Dominum.

Die 8 februarii

SS. HILARII ET TATIANI

Martyrum

III classis

Missa Intret, de Communi plurimorum Martyrum 1 loco.

Oratio

C

Beatorum Martyrum Hilarii et Tatiani nos, quæsumus, Domine, festa tueantur : et eorum commendet oratio veneranda. Per Dominum.

Et fit commemoratio S. Ioannis de Matha Conf. :

Oratio

Deus, qui per sanctum Ioannem ordinem sanctissimæ Trinitatis ad redimentum de potestate Saracenorum captivos cœlitus instituere dignatus es: præsta, quæsumus; ut, eius suffragantibus meritis, a captitatem corporis et animæ, te adiuvante, liberemur. Per Dominum.

Secreta

C

Adesto, Domine, supplicationibus nostris, quas in Sanctorum tuorum commemoratione deferimus : ut, qui nostræ iustitiæ fiduciam non habemus, eorum, qui tibi placuerunt, meritis adiuvemur. Per Dominum.

Pro S. Ioanne:

Secreta

Laudis tibi, Domine, hostias immolamus in tuorum commemoratione Sanctorum: quibus nos et praesentibus exui malis confidimus, et futuris. Per Dominum.

Postcommunio C

Quæsumus, Domine, salutibus repleti mysteriis: ut, quorum solemnia celebamus, eorum orationibus adiuvemur. Per Dominum.

Pro S. Ioanne:

Postcommunio

Refecti cibo potuque cælesti, Deus noster, te supplices exoramus: ut, in cuius hæc commemoratione percepimus, eius muniamur et precibus. Per Dominum.

Die 13 februarii

S. ANSELMI

Abbatis.

III classis

Missa Os iusti, de Communi
Abbatum.

Die 25 martii

IN ANNUNTIATIONE
B. MARIAE V.

Metropolitanæ Ecclesiæ Utinensis

Titularis

I classis

Missa ut in Missali sub hoc die.

Die 18 aprilis

IN DEDICATIONE
METROPOLITANÆ
ECCLESIÆ UTINENSIS

I classis

Missa Terribilis est, de Communi Dedicationis ecclesiæ. Et dicitur Credo.

Die 23 aprilis

B. HELENÆ
DE VALENTINIS

Viduæ

III classis

Missa Cognovi, de Communi nec Virg. nec Mm., præter orationes sequentes:

Oratio

Deus, qui beatam Helenam tuo amore succensam iugi mortificatione mirabilem effectisti: eius nobis exemplo et intercessione concede; ut, di-

gnos pœnitentiæ fructus facere, et te semper diligere valeamus. Per Dominum.

Et fit commemoratio S. Georgii M. :

Oratio

Deus, qui nos beati Georgii Martyris tui meritis et intercessione lætificas: concede propitius; ut, qui tua per eum beneficia poscimus, dono tuæ gratiæ consequamur. Per Dominum.

Secreta

Suscipe, clementissime Deus, sacrificium in honorem beatæ Helenæ maiestati tuæ oblatum, atque, eius meritis et exemplo, gratum tibi cor nostrum sit iugiter holocaustum. Per Dominum.

Pro S. Georgio :

Secreta

Munera, Domine, oblata sanctifica: et, intercedente beato Georgio Martyre tuo, nos per hæc a peccatorum nostrorum maculis emunda. Per Dominum.

Postcommunio

Cælestibus, Domine, pasti deliciis te supplices exoramus; ut, intercedente beata Helena, doceas nos terrena despicere, et amare cælestia. Per Dominum.

Pro S. Georgio :

Postcommunio

Supplices te rogamus, omnipotens Deus: ut, quos tuis reficis sacramentis, intercedente beato Georgio Martyre tuo, tibi etiam placitis moribus dignanter tribuas deservire. Per Dominum.

Die 30 aprilis

S. CATHARINÆ

SENENSIS

Virginis

Patronæ principalis Italïæ

I classis

Omnia ut in Missali hoc ipso die.
Et dicitur Credo.

Die 30 maii
**SS. CANTII, CANTIANI
 ET CANTIANILLÆ**

Martyrum

III classis

Extra Tempus Pasch.

Antiphona ad Introitum.
Ecli. 44, 15 et 14.

Sapientiam sanctorum narrant populi, et laudes eorum nuntiet ecclesia: nomina autem eorum vivent in sæculum sæculi.

Psal. 32, 1. Exsultate, iusti, in Domino: rectos decet collaudatio.

℣. Gloria Patri.

Oratio

Praesta, quæsumus, omnipo-tens Deus: ut populus tuus ad plenæ devotionis affectum beatorum Martyrum Cantii et Sociorum eius natalitiis præparetur: et, eorum patrocinio promerente, beatæ capiat securitatis augmentum. Per Dominum.

Et fit commemoratio S. Felicis I Papæ et Mart.:

Oratio

Gregem tuum, Pastor æ-terne, placatus intende:

et per beatum Felicem Mar-tyrem tuum atque Summum Pontificem perpetua protec-tione custodi; quem totius Ecclesiæ præstitisti esse pa-storem. Per Dominum.

Lectio libri Sapientiæ.

Sap. 5, 16-20.

Iusti autem in perpetuum vi-vent, et apud Dominum est merces eorum, et cogitatio il-lorum apud Altissimum. Ideo accipient regnum decoris, et diadema speciei de manu Do-mini: quoniam dextera sua teget eos, et brachio sancto suo defendet illos. Accipiet ar-maturam zelus illius, et ar-mabit creaturam ad ultiōnem inimicorum. Induet pro tho-race iustitiam, et accipiet pro galea iudicium certum. Sumet scutum inexpugnabile, æqui-tatem.

Graduale.

Ps. 123, 7-8.

Anima nostra, sicut passer, erepta est de laqueo venan-tium.

℣. Laqueus contritus est, et nos liberati sumus: adiu-torium nostrum in nomine Domini, qui fecit cælum et terram.

Alleluia, alleluia.

V. Hæc est vera fraternitas, quæ vicit mundi crimina: Christum secuta est inclyta tenens regna cælestia. Alleluia.

+ Sequentia sancti Evangelii secundum Lucam.

Luc. 6, 17-23.

In illo tempore: Descendens Iesus de monte, stetit in loco campestri, et turba discipulorum eius, et multitudo copiosa plebis ab omni Iudæa, et Ierusalem, et maritima, et Tyri, et Sidonis, qui venerant ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quærebatur eum tangere: quia virtus de illo exibat, et sanabat omnes. Et ipse, elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabitimini. Beati, qui nunc fletis: quia ridebitis. Beati eritis, cum vos oderint homines, et cum separaverint

vos, et exprobraverint, et eicerint nomen vestrum tamquam malum propter Filium hominis. Gaudete in illa die, et exsultate: ecce enim merces vestra multa est in cælo.

Antiphona ad Offertorium.

Psal. 149, 5-6.

Exsultabunt sancti in gloria, lætabuntur in cubilibus suis: exaltationes Dei in fauibus eorum, alleluia.

Secreta

Munera tibi, Domine, nostræ devotionis offerimus: quæ et pro tuorum tibi grata sint honore iustorum, et nobis salutaria, te miserante, reddantur. Per Dominum.

Pro S. Felice:

Secreta

O blatis muneribus, quæsumus, Domine, Ecclesiam tuam benignus illumina: ut, et gregis tui proficiat ubique successus, et grati fiant nomini tuo, te gubernante, pastores. Per Dominum.

Antiphona ad Communionem.
Luc. 12, 4.

Dico autem vobis amicis meis:
Ne terreamini ab his, qui vos
persequuntur.

Postcommunio

Præsta nobis, quæsumus,
Domine: intercedentibus
sanctis Martyribus tuis Can-
tio et Sociis eius; ut, quod ore
contingimus, pura mente ca-
piamus. Per Dominum.

Pro S. Felice:

Postcommunio

Refectione sancta enutri-
tam gubernat, quæsumus, Domine, tuam placa-
tus Ecclesiam: ut potenti
moderatione directa, et in-
crements libertatis accipiat;
et in religionis integritate
persistat. Per Dominum.

Tempore Paschali

Missa Sancti tui de Communi
Mm. cum orationibus ut supra.

Die 6 iunii

B. BERTRANDI

Patr. Aquil. Confessoris

III classis

Missa Sacerdotes tui, de Com-
muni Conf. Pont., præter oratio-
nes sequentes:

Oratio

Deus, qui beatum Bertran-
dum pro Ecclesiæ suæ
iuribus ad mortem usque cer-
tantem invicta pastorali forti-
tudine roborasti: præsta fide-
libus tuis; ut ad pietatis et re-
ligionis constantiam eiusdem
informatur exemplis. Per Do-
minum.

Et fit commemorationis S. Nor-
berti Ep. et Conf.:

Oratio

Deus, qui beatum Norber-
tum Confessorem tuum
atque Pontificem verbi tui
præconem eximum effecisti,
et per eum Ecclesiam tuam
nova prole fœcundasti: præ-
sta, quæsumus; ut, eiusdem
suffragantibus meritis, quod
ore simul et opere docuit, te
adiuvante, exercere valea-
mus. Per Dominum.

Secreta

Sacra dona, quæ tibi, Domine, reverenter offerimus in commemoratione beati Bertrandi, Ecclesiæ tuæ libertatem tueantur, et pacem et sanctificationis nostræ incrementa promoveant. Per Dominum.

Pro S. Norberto :

Secreta

Sancti tui, quæsumus, Domine, nos ubique lætificant : ut, dum eorum merita recolimus, patrocinia sentiamus. Per Dominum.

Postcommunio

Præsta, quæsumus, omnipotens Deus, ut in honorem beati Bertrandi celebrata mysteria eius virtutum imitatores, et tua protectione nos dignos efficiant. Per Dominum.

Pro S. Norberto :

Postcommunio

Præsta, quæsumus, omnipotens Deus: ut, de perceptis muneribus gratias exhibentes, intercedente beato Norberto Confessore tuo atque Pontifice, benefi-

cia potiora sumamus. Per Dominum.

Die 22 iunii

S. NICETA E

Episcopi et Confessoris

III classis

Missa Sacerdotes tui, de Communi Confessoris Pontificis.

Oratio

C

Exaudi, quæsumus, Domine, preces nostras, quas in beati Nicetæ Confessoris tui atque Pontificis solemnitate deferimus : et, qui tibi digne meruit famulari, eius intercedentibus meritis, ab omnibus nos absolve peccatis. Per Dominum.

Et fit commemoratio S. Paulini Episc. et Conf. :

Oratio

Deus, qui omnia pro te in hoc sæculo relinquenteribus, centuplum in futuro et vitam æternam promisisti : concede propitius ; ut, sancti Pontificis Paulini vestigiis inhærentes, valeamus terrena despicere, et sola cælestia desiderare : Qui vivis et regnas.

Secreta

C

Sancti Nicetæ Confessoris tui atque Pontificis, quæsumus, Domine, annua solemnitas pietati tuæ nos reddat acceptos: ut, per hæc piæ placationis officia, et illum beata retributio comitetur, et nobis gratiæ tuæ dona conciliet. Per Dominum.

Pro S. Paulino :

Secreta

Da nobis, Domine, perfectæ caritatis sacrificium, exemplo sancti Pontificis Paulini, cum altaris oblatione coniungere: et beneficentiæ studio sempiternam misericordiam promereri. Per Dominum.

Postcommunio

C

Deus, fidelium remunerator animarum: præsta; ut beati Nicetæ Confessoris tui atque Pontificis, cuius venerandam celebramus festivitatem, precibus indulgentiam consequamur. Per Dominum.

Pro S. Paulino :

Postcommunio

Tribue nobis per haec sancta, Domine, illum pietatis et humilitatis affectum, quem ex hoc divino fonte hausit sanctus Pontifex tuus Paulinus: et, ipsius intercessione, in omnes, qui te deprecantur, gratiæ tuæ divitias benignus effunde. Per Dominum.

Die 4 julii

S. HELIODORI

Episcopi et Confessoris

Missa Statuit, de Communi Confessoris Pontificis.

Die 11 julii

S. PII I

Papæ et Mart.

III classis

Missa Si diligis me, de Communi Summorum Pontificum.

Die 12 iulii

SS. HERMAGORAE ET FORTUNATI*Martyrum*

Patronorum principalium Archidiœcesis

I classis

Antiphona ad Introitum.

Psal. 78, 11, 12 et 10.

Lectio libri Sapientiæ.

Sap. 3, 1-8.

Intret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est.

Psal. ibid. 1. Deus, venerunt gentes in hereditatem tuam: polluerunt templum sanctum tuum: posuerunt Ierusalem in pomorum custodiām.

℣. Gloria Patri.

Oratio

Deus, qui nos hodierna die beatorum Martyrum tuorum Hermagoræ et Fortunati multiplici facis celebritate gaudere: tribue, quæsumus, eorum nos semper piis defensionibus muniri, et orationibus adiuvari. Per Dominum.

Iustorum animæ in manu Dei sunt, et non tanget illos tormentum mortis. Visi sunt oculis insipientium mori: et æstimata est afflictio exitus illorum: et quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur: quoniam Deus tentavit eos, et invenit illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum. Fulgebunt iusti, et tamquam scintillæ in arundineto discurrent. Iudicabunt nationes, et dominabuntur populis, et regnabit Dominus illorum in perpetuum.

Graduale. Exodi 15, 11.

Gloriosus Deus in sanctis suis : mirabilis in maiestate, faciens prodigia.

V. Ibid 6. Dextera tua, Domine, glorificata est in virtute : dextera manus tua confregit inimicos.

Alleluia, alleluia.

V. Eccli. 44, 14. Corpora sanctorum in pace sepulta sunt, et nomina eorum vivent in generationem et generationem. Alleluia.

+ Sequentia sancti Evangelii secundum Lucam.

Luc. 21. 9-19.

In illo tempore: Dixit Jesus discipulis suis: Cum audieritis prælia et seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, et regnum adversus regnum. Et terræmotus magni erunt per loca, et pestilentiae, et fames, terroresque de cælo, et signa magna erunt. Sed ante hæc omnia iniicient vobis manus suas, et consequentur, tradentes in synagogas et custodias, trahentes ad reges et præsi-

des propter nomen meum: continget autem vobis in testimonium. Ponite ergo in cordibus vestris non præmeditari quemadmodum respondeatis. Ego enim dabo vobis os et sapientiam, cui non poterunt resistere, et contradicere omnes adversarii vestri. Trademini autem a parentibus, et fratribus, et cognatis, et amicis, et morte afficiant ex vobis: et eritis odio omnibus propter nomen meum: et capillus de capite vestro non peribit. In patientia vestra possidebitis animas vestras.

Credo.

In Missa votiva post Septuag. in fine sequentis antiphonæ Alleluia omittitur.

Antiphona ad Offertorium.

Psal. 67, 36.

Mirabilis Deus in sanctis suis: Deus Israël, ipse dabit virtutem et fortitudinem plebi suæ: benedictus Deus, alleluia.

Secreta

Munera humilitatis nostræ, Domine, quæ pro sanctorum Martyrum tuorum Hermagoræ et Fortunati gloria-

passione, et solemnitate offerimus: quæsumus clementiam tuam, respicere dignare: et ipsorum intercessione, tam ad profectum vitæ, quam animæ, salutaria nobis consueta miseratione provenire concede. Per Dominum.

Antiphona ad Communionem.
Sap. 3, 4, 5, et 6.

Et si coram hominibus tormenta passi sunt, Deus tentavit eos: tamquam aurum in fornace probavit eos, et quasi holocausta accepit eos.

Postcommunio

Sumentes, Domine, cælestis dona mysterii, quæsumus; ut sanctorum Martyrum tuorum Hermagoræ et Fortunati adiuvemur meritis, quorum solemnitatem celebramus. Per Dominum.

Die 13 iulii

IN DEDICATIONE
BASILICÆ S. MARIÆ
AQUILEIENSIS

III classis

Missa Terribilis de Communi Dedicationis ecclesiæ; et non dicitur Credo.

Die 13 augusti
SS. FORTUNATI
ET FELICIS

Martyrum
III classis

Antiphona ad Introitum.

Psal. 36, 39.

Salus autem iustorum a Domo: et protector eorum est in tempore tribulationis.

Psal. ibid. 1. Noli æmulari in malignantibus: neque zelaveris facientes iniquitatem.

¶ Gloria Patri.

Oratio

Adesto, quæsumus, Domine, fidelibus tuis, nec ullis mentis et corporis sinas subiacere periculis, quos beatorum Martyrum tuorum Fortunati et Felicis munit gloria confessio. Per Dominum.

Et fit commemoratio Ss. Hippolyti et Cassiani Mm.:

Oratio

Da, quæsumus, omnipotens Deus: ut beatorum Martyrum tuorum Hippolyti et Cassiani veneranda solemnitas, et devotionem nobis augeat, et salutem. Per Dominum.

Lectio Epistolæ beati Pauli Apostoli ad Hebræos.

Hebr. 10, 32-38.

Fratres: Rememorami pri-
stinos dies, in quibus illu-
minati, magnum certamen
sustinuitis passionum: et in
altero quidem opprobriis, et
tribulationibus spectaculum
facti: in altero autem socii
taliter conversantium effecti.
Nam et vinctis compassi estis,
et rapinam bonorum vestro-
rum cum gaudio suscepistis,
cognoscentes vos habere me-
liorem, et manentem substanciam.
Nolite itaque amittere
confidentiam vestram, quae
magnam habet remuneratio-
nem. Patientia enim vobis
necessaria est: ut voluntatem
Dei facientes, reportetis pro-
missionem. Adhuc enim mo-
dicum aliquantulum, qui ven-
turus est, veniet, et non tar-
dabit. Iustus autem meus ex
fide vivit.

Graduale. Psal. 33, 18-19.

Clamaverunt iusti, et Domi-
nus exaudivit eos: et ex om-
nibus tribulationibus eorum
liberavit eos.

¶. Iuxta est Dominus his,

qui tribulato sunt corde: et
humiles spiritu salvabit.

Alleluia, alleluia.

¶. Hæc est vera fraterni-
tas, quæ vicit mundi crimina:
Christum secuta est inclita
tenens regna cælestia. Alle-
luia.

† Sequentia sancti Evange-
lii secundum Lucam.

Luc. 10, 16-20.

In illo tempore: Dixit Jesus
discipulis suis: Qui vos
audit, me audit: et qui vos
spernit, me spernit. Qui au-
tem me spernit, spernit eum,
qui misit me. Reversi sunt au-
tem septuaginta duo cum gau-
dio, dicentes: Domine, etiam
dæmonia subiiciuntur nobis
in nomine tuo. Et ait illis:
Videbam satanam sicut ful-
gur de cælo cadentem. Ecce
dedi vobis potestatem calcan-
di supra serpentes et scorpio-
nes, et super omnem virtutem
inimici: et nihil vobis noce-
bit. Verumtamen in hoc nolite
gaudere, quia spiritus vobis
subiiciuntur: gaudete autem,
quod nomina vestra scripta
sunt in cælis.

In Missa votiva post Septuag.
in fine sequentis antiphonæ Alleluia
omittitur.

Antiphona ad Offertorium.
Sap., 3, 1, 2, et 3.

Iustorum animæ in manu
Dei sunt, et non tanget illos
tormentum malitiæ: visi sunt
oculis insipientium mori: illi
autem sunt in pace, alleluia.

Secreta

Hostias, Domine, quas no-
mini tuo sacrandas offre-
rimus, sanctorum Martyrum
tuorum Fortunati et Felicis
prosequatur oratio, per quam
nobis expiari tribuas, et de-
fendi. Per Dominum.

Pro Ss. Hippolyto et Cas-
siano:

Secreta

Respice, Domine, munera
populi tui, Sanctorum
festivitate votiva: et tuæ
testificatio veritatis nobis
proficiat ad salutem. Per Do-
minum.

Antiphona ad Communionem.
Matt. 10, 27.

Quod dico vobis in tenebris,
dicite in lumine, dicit Domi-

nus: et quod in aure auditis,
prædicare super tecta.

Postcommunio

Recreati sacris muneribus,
quæsumus, Domine, ut
non indigne sumentibus non
vertantur ad pœnam, sed, in-
tercedentibus sanctis Marty-
ribus tuis Fortunato et Felice,
fidelibus prosint ad veniam.
Per Dominum.

Pro Ss. Hippolyto et Cas-
siano:

Postcommunio

Sacramentorum tuorum,
Domine, communio
sumpta nos salvet, et in
tuæ veritatis luce confirmet.
Per Dominum.

Die 4 octobris

S. FRANCISCI ASSIS.

Confessoris

Patroni principalis Italiae

I classis

Omnia ut in Missali hoc ipso
die. Et dicitur Credo.

Sabbato ante dominicam
IV. octobris

B. MARIÆ VIRGINIS
TITULO GRATIARUM
III classis

Omnia de Communi festorum
B. Mariæ Virginis, præter :

Oratio

Deus, qui fidelibus tuis beatam Mariam Virginem gratiarum tuarum ministram tribuisti, eius nobis intercessione concede, ut a cunctis malis liberemur in terris, et æternis gaudiis perfruamur in cælis. Per Dominum.

Secreta

Sanctifica, Domine, quæsumus, oblata libamina, et, beatæ Deiparæ semperque Virginis Mariæ saluberrima intercessione, nobis salutaria fore concede. Per eundem Dominum.

Postcommunio

Adiuvet nos, quæsumus, Domine, gloriæ tuæ Genitricis semperque Virginis Mariæ intercessio veneranda; ut quos perpetuis cumulavit beneficiis, a cunctis periculis

absolutos sua faciat pietate concordes. Qui vivis.

Die 30 octobris

B. BENVENUTÆ BOIANI
Virginis
III classis

Missa Dilexisti, de Communi Virginis, præter or. seq. :

Oratio

Gratiam nobis, Domine, pœnitentiæ, orationis et humilitatis infunde: ut beatæ Benvenutæ Virginis imitacione possimus et carnem mortificantes spiritu vivere, et cælestia iugiter cogitantes nosque despicientes in te solo Deo requiem et gloriam invenire. Per Dominum.

Die 16 novembris

IN DEDICATIONE
ECCLESIÆ PROPRIÆ
(*excepta metropolitana*)

I classis

Missa Terribilis est, de Communi Dedicat. ecclesiæ. Et dicitur Credo.

Die 27 novembris

S. VALERIANI

Ep. et Conf.

III classis

Missa Sacerdotes tui, de Communi Conf. Pontif.

Die 28 novembris

SS. MARTYRUM
AQUILEIENSIVM

III classis

Missa Salus autem de Communi plurimorum Martyrum, et dicuntur orationes sequentes:

Oratio

Deus, qui nos annua sanctorum Martyrum Aquileiensium solemnitate lætificas: concede propitius; ut, quorum gaudemus meritis, accendamur exemplis. Per Dominum.

Et, in Adventu, fit comm. feriæ.

Secreta

Oblatis, quæsumus, Domine placare muneribus: et, intercedentibus sanctis Martyribus Aquileiensibus, a-

cunctis nos defende periculis.
Per Dominum.

Et, in Adventu, fit comm. feriæ.

Postcommunio

Hæc nos communio, Domine, purget a criminè: et, intercedentibus sanctis Martyribus Aquileiensibus, cælestis remedii faciat esse consortes. Per Dominum.

Et, in Adventu, fit comm. feriæ.

Die 2 decembris

S. CHROMATII

Ep. et Conf.

III classis

Antiphona ad Introitum.

Psal. 131, 9-10.

Sacerdotes tui, Domine, induant iustitiam, et sancti tui exultent: propter David servum tuum, non avertas faciem Christi tui.

Psal. ibid. 1. Memento, Domine, David: et omnis mansutudinis eius.

V. Gloria Patri.

Oratio

Exaudi, quæsumus, Domine,
preces nostras, quas in bea-
ti Chromatii Confessoris tui
atque Pontificis solemnitate
deferimus: et, qui tibi digne
meruit famulari, eius inter-
cedentibus meritis, ab omni-
bus nos absolve peccatis. Per
Dominum.

Et, in Adventu, fit commemo-
ratio feriæ.

Deinde commemoratio S. Bi-
bianæ Virg. et Mart.:

Oratio

Deus, omnium largitor bo-
norum, qui in famula-
tua Bibiana cum virginita-
tis flore martyrii palmam
coniunxisti: mentes nostras
eius intercessione tibi cari-
tate coniunge; ut, amotis
periculis, præmia consequa-
mur æterna. Per Dominum.

Lectio Epistolæ beati Pauli
Apostoli ad Hebræos.

Hebr. 7, 23-27.

Fratres: Plures facti sunt
sacerdotes, idcirco quod

morte prohiberentur perma-
nere: Iesus autem, eo quod
maneat in æternum, sempi-
ternum habet sacerdotium.
Unde et salvare in perpe-
tuum potest accedentes per
semetipsum ad Deum: sem-
per vivens ad interpellandum
pro nobis. Talis enim dece-
bat, ut nobis esset pontifex,
sanctus, innocens, impollutus,
segregatus a peccatoribus, et
excelsior cælis factus: qui
non habet necessitatem quo-
tidie, quemadmodum sacer-
dotes, prius pro suis delictis
hostias offerre, deinde pro
populi: hoc enim fecit semel,
seipsum offerendo, Iesus Chri-
stus Dominus noster.

Graduale, Ps. 131, 16-17.

Sacerdotes eius induam sa-
lutari: et sancti eius exsul-
tatione exsultabunt.

¶ Illuc producam cornu
David: paravi lucernam Chri-
sto meo.

Alleluia, alleluia.

¶ Psal. 109, 4 Iuravit
Dominus, et non pœnitabit
eum: Tu es sacerdos in æter-
num, secundum ordinem Mel-
chisedech. Alleluia.

† Sequentia sancti Evangelii secundum Matthaeum.
Matth. 5, 13-19.

In illo tempore : Dixit Iesus discipulis suis : Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendent lucernam, et ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, et glorificant Patrem vestrum, qui in cælis est. Nolite putare, quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat cælum et terra, iota unum, aut unus apex non præteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cælorum: qui autem fecerit, et docuerit, hic magnus vocabitur in regno cælorum.

Antiphona ad Offertorium.
Psal. 88, 25.

Veritas mea, et misericordia mea cum ipso : et in nomine meo exaltabitur cornu eius.

Secreta

Sancti Chromatii Confessoris tui atque Pontificis, quæsumus, Domine, annua solemnitas pietati tuæ nos reddat acceptos: ut, per hæc piæ placationis officia, et illum beata retributio comitetur, et nobis gratiæ tuæ dona conciliet. Per Dominum.

Et, in Adventu, fit commemoratio feriæ.

Pro S. Bibiana :

Secreta

Hostias tibi, Domine, beatæ Bibianæ Virginis et Martyris tuæ dicatas meritis, benignus assume: et ad perpetuum nobis tribue provenire subsidium. Per Dominum.

Antiphona ad Communionem.
Matth. 24, 46-47.

Beatus servus, quem, cum venerit dominus, invenerit vi-

gilantem: amen dico vobis,
super omnia bona sua consti-
tuet eum.

Postcommunio

Deus, fidelium remunerator animarum: præsta; ut beati Chromatii Confessoris tui atque Pontificis, cuius venerandam celebramus festivitatem, precibus indulgentiam consequamur. Per Dominum.

Et, in Adventu, fit commemo-
ratio feriæ.

Pro S. Bibiana :

Postcommunio

Divini muneric largitate satiati, quæsumus, Domine Deus noster: ut, intercedente beata Bibiana Virgine et Martyre tua, in eius semper participatione vivamus. Per Dominum.



Imprimatur.

Concordat enim cum originali adprobato.

Utini, 25 aprilis 1963.

† IOSEPHUS ZAFFONATO, *Archiepiscopus Utinensis*

Dominicus Garlatti, *Cancellarius*

INDEX ALPHABETICUS FESTORUM

| | |
|---|---------|
| Annuntiatio B.M.V., eccl. metrop. Titularis (25 martii) | pag. 10 |
| Anselmi Abbatis (13 februarii) | » 10 |
| Benvenutæ Boiani Virg. (30 octobris) | » 22 |
| Bertrandi Patriarchæ, Conf. (6 iunii) | » 14 |
| Cantii et Sociorum Mm. (30 maii) | » 12 |
| Catharinæ Senens. Virg., Patr. princ. Italiæ (30 aprilis) | » 11 |
| Chromatii Ep. et Conf. (2 decembris) | » 23 |
| Dedicatio Basilicæ Aquileiensis (13 iulii) | » 19 |
| Dedicatio ecclesiæ metropolitanæ (18 aprilis) | » 10 |
| Dedicatio ecclesiæ propriæ (18 novembris) | » 22 |
| Fortunati et Felicis Mm. (13 augusti) | » 19 |
| Francisci Ass. Conf., Patr. princ. Italiæ (4 octobris) | » 21 |
| Helenæ de Valentinis Viduæ (23 aprilis) | » 10 |
| Heliodori Ep. et Conf. (4 iulii) | » 16 |
| Hermagoræ et Fortunati Mm., Patr. princ. Arch. Utinen. (12 iulii) | » 17 |
| Hilarii et Tatiani Mm. (8 februarii) | » 9 |
| Mariæ Virg. Gratiarum (sabb. ante dom. IV octobris) | » 22 |
| Martyrum Aquileiensium (28 novembris) | » 23 |
| Nicetæ Ep. et Conf. (22 iunii) | » 15 |
| Odorici a Portunaone (15 ianuarii) | » 6 |
| Paulini Patriarchæ, Conf. (11 ianuarii) | » 5 |
| Pii I Papæ et Mart. (11 iulii) | » 16 |
| Valeriani Ep. et Conf. (27 novembris) | » 23 |